

საქართველოს კანონი

„ჯანმრთელობის დაცვის შესახებ“ საქართველოს კანონში ცვლილების შეტანის თაობაზე“ საქართველოს კანონში ცვლილების შეტანის შესახებ

მუხლი 1. „ჯანმრთელობის დაცვის შესახებ“ საქართველოს კანონში ცვლილების შეტანის თაობაზე“ საქართველოს კანონში (საქართველოს საკანონმდებლო მაცნე (www.matsne.gov.ge), 07.03.2024, სარეგისტრაციო კოდი: 470000000.05.001.102226) შეტანილ იქნეს შემდეგი ცვლილება:

1. პირველი მუხლის მე-7 პუნქტი ჩამოყალიბდეს შემდეგი რედაქციით:

„7. კანონს დაემატოს შემდეგი შინაარსის 154⁴ და 154⁵ მუხლები:

„მუხლი 154⁴“

1. 2026 წლის 1 იანვრიდან საექთნო ან მეან-ექთნის განათლების მქონე პირს დამოუკიდებელი საექთნო საქმიანობის ან დამოუკიდებელი მეან-ექთნის საქმიანობის უფლების დამადასტურებელი სახელმწიფო სერტიფიკატის/რეგისტრაციის მოწმობის გარეშე საქმიანობა ეკრძალება.

2. „პროფესიული განათლების შესახებ“ საქართველოს 2007 წლის 28 მარტის კანონის შესაბამისად გაცემული მედიის/ექთნის თანაშემწის პროფესიული განათლების დამადასტურებელი დოკუმენტის მქონე პირს მის მიერ სრული ზოგადი განათლების მიღებით სწავლის შედეგების მიღწევის დადასტურებისა და 3 წლის შესაბამისი სამუშაო სტაჟის ქონის შემთხვევაში მიეცეს ექთნის წოდების საქართველოს მთავრობის მიერ დადგენილი წესითა და პირობებით მოპოვების უფლება.

მუხლი 154⁵

1. სამინისტრომ 2025 წლის 1 ივლისამდე დაამტკიცოს:

ა) საბაზო განათლების მქონე, ჯანმრთელობის დაცვის სექტორში დასაქმებული ექთნისა და მეან-ექთნის მიერ დამოუკიდებელი საექთნო საქმიანობისა და დამოუკიდებელი მეან-ექთნის საქმიანობის უფლების მოპოვების წესი;

ბ) მეან-ექთნის სპეციალობათა და იმ საექთნო სპეციალობათა ნუსხა, რომლებით მუშაობაც ეკრძალება კონკრეტული დაავადების მქონე დამოუკიდებელი საექთნო საქმიანობის სუბიექტს;

გ) ექთნისა და მეან-ექთნების რეესტრის შექმნისა და წარმოების წესი;

დ) იმ პირთათვის დამოუკიდებელი საექთნო საქმიანობისა და დამოუკიდებელი მეან-ექთნის საქმიანობის უფლების მინიჭების წესი, რომლებმაც საექთნო ან მეან-ექთნის განათლება უცხოეთში მიიღეს/აღნიშნული უფლება უცხოეთში მოიპოვეს;

ე) სახელმწიფო სერტიფიკატისა და რეგისტრაციის მოწმობის ფორმები;

ვ) უმაღლესი კატეგორიის პრაქტიკოსი ექთნის, უმაღლესი კატეგორიის პრაქტიკოსი მეან-ექთნისა და ექთან-სპეციალისტის მოწმობების ფორმები;

ზ) საექთნო სპეციალობათა ნუსხა და შესაბამისი კომპეტენციები;

თ) ექთნისა და მეან-ექთნის მიერ სამედიცინო დოკუმენტაციისა და ჩანაწერების წარმოების წესი;

ი) საექთნო და მეან-ექთნის პრაქტიკის სტანდარტები;



კ) საექტონო დიპლომისშემდგომი განათლების (პროფესიული მზადების) პროგრამის მომზადების, განხორციელებისა და აკრედიტაციის წესი;

ლ) ექტონისა და მეან-ექტონის უწყვეტი პროფესიული განვითარების ცალკეული ფორმები, პროფესიული რეაბილიტაციის წესი და შესაბამისი პროგრამების/კურსების აკრედიტაციის კრიტერიუმები;

მ) დამოუკიდებელი საექტონო საქმიანობის ან დამოუკიდებელი მეან-ექტონის საქმიანობის ახალი ვადით გაგრძელებისთვის საჭირო უწყვეტი საექტონო განათლების ან მეან-ექტონის უწყვეტი განათლების კრედიტების რაოდენობის განსაზღვრის წესი;

ნ) სახელმწიფო სერტიფიკატის/რეგისტრაციის მოწმობის მოქმედების ვადის გაგრძელების, აგრეთვე მისი გაუქმების შემთხვევაში დამოუკიდებელი საექტონო საქმიანობის ან დამოუკიდებელი მეან-ექტონის საქმიანობის სუბიექტის მიერ მისი განმეორებით მოპოვების წესი;

ო) ჯანმრთელობის დაცვის სექტორში დასაქმებული ექთან-სპეციალისტის მიერ საექტონო სპეციალობით საქმიანობის განსახორციელებლად უწყვეტი პროფესიული განვითარების ფარგლებში მიღებული განათლების აღიარების წესი;

პ) დამოუკიდებელი საექტონო საქმიანობის ან დამოუკიდებელი მეან-ექტონის საქმიანობის სუბიექტის მიერ გაწეული სამედიცინო მომსახურების ხარისხისა და სამედიცინო დოკუმენტაციის წარმოების შერჩევითი კონტროლის წესი.

2. საქართველოს მთავრობამ 2025 წლის 1 ივლისამდე უზრუნველყოს ამ კანონის 154⁴ მუხლის მე-2 პუნქტით განსაზღვრული სამართლებრივი აქტის მიღება.“.

2. მე-2 მუხლის პირველი-მე-4 პუნქტები ჩამოყალიბდეს შემდეგი რედაქციით:

„1. საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტრომ 2025 წლის 1 ივლისამდე მოამზადოს რეგისტრირებული ექტონის ან მეან-ექტონის და სერტიფიცირებული პრაქტიკოსი ექტონის ან მეან-ექტონის ელექტრონული რეესტრის (შემდგომ – ექტონებისა და მეან-ექტონების რეესტრი) მოდული.

2. 2026 წლის 1 იანვრიდან დამოუკიდებელი საექტონო საქმიანობის ან დამოუკიდებელი მეან-ექტონის საქმიანობის უფლების მოსაპოვებლად სავალდებულოა ექტონებისა და მეან-ექტონების რეესტრში ავტორიზაცია.

3. 2026 წლის 1 სექტემბრამდე ექტონებისა და მეან-ექტონების რეესტრში ავტორიზაცია განხორციელდეს და სახელმწიფო სერტიფიკატი/რეგისტრაციის მოწმობა გაიცეს უგამოცდოდ.

4. 2026 წლის 1 სექტემბრიდან პროფესიული საექტონო ან პროფესიული მეან-ექტონის საგანმანათლებლო პროგრამის კურსდამთავრებული, აგრეთვე ის პირი, რომელსაც ამ მუხლის მე-3 პუნქტით განსაზღვრული გარდამავალი დებულებით (მარეგულირებელი ნორმით) არ უსარგებლია, დამოუკიდებელი საექტონო საქმიანობის ან დამოუკიდებელი მეან-ექტონის საქმიანობის უფლების მოსაპოვებლად სახელმწიფო სასერტიფიკაციო გამოცდის ჩაბარებას ექვემდებარებიან.“.

3. მე-3 მუხლის მე-2 პუნქტის „ბ.ა“ ქვეპუნქტი ჩამოყალიბდეს შემდეგი რედაქციით:

„ბ.ა) მე-7 პუნქტი ამოქმედდეს 2026 წლის 1 სექტემბრიდან;“.

მუხლი 2. 2025 წლის 1 ივლისამდე საექტონო სპეციალობაში მზადების უფლება აქვს ყველა შესაბამის დაინტერესებულ პირს.

მუხლი 3. ეს კანონი ამოქმედდეს გამოქვეყნებისთანავე.



თბილისი,

13 დეკემბერი 2024 წ.

N117-ის-XIმპ

